

摘藻堂四庫全書薈要

集部

欽定四庫全書薈要

集部

梅溪後集卷十一

十二

詳校官助教臣謝登雋



欽定四庫全書薈要卷一萬五千八百六十七

集部

梅溪後集卷十一

宋 王十朋 撰

詩

九日懷故鄉

天
涯
行客倍傷悲
鄂渚登高帽欲吹
遙想弟兄行處樂
幾人同把菊花枝

登壓雲亭贈趙都統

早將忠義立殊勲
鄂渚登臨氣壓雲
異日雲臺觀畫像

九日倍諸公登高

鄂渚逢重九登高客魂黯白菊泛壺觴青山滿欄檻詩

隨眼界添酒逐年華減回頭望楚東半雨花思范

范文正公

番易詩半雨黃花秋賞早去年此日
在番易故思之鄂渚少黃花有白菊

十日解舟晚泊江口望鄂渚漢陽

繫纜長江口斜陽照兩州山遙瞻大別渚遠認南樓漁

艇家烟浦江神廟柳洲

江頭有神祠
在叢柳間

文通送別處春恨

可如秋

江文通別賦送君南浦傷如之何南浦在鄂渚之南文通以春送客而予以秋為客悲又可知

解纜南浦初泝長江江流出鄂渚漢陽兩山之
間雲靄橫之如一山然

解纜長江口回頭思黯然封疆一川隔烟靄兩州連水
鳥飛泐渚江豚躍傍船好風知幾葦送我上青天

過金口市江中有渚名鯉魚甲渚上有蘆花連
日遇逆風舟以寸進挽舟者行蘆中成四絕

江山滿眼似相迎一閩人烟問地名舟過已經金口市

水流應到石頭城

鯉魚甲露江中渚
蘆荻花浮渚上霜
檣影落江疑是釣
巨鱗驚躍鷺飛忙

長江十里渺連空
逆水那堪更送風
定是江神憐遠去
欲吹船轉浙江東

江神不借一帆風
急水難收寸進功
欹枕高眠真有媿
挽舟人在荻花中

食蝦

江上秋風起鱸尊正憶家舟行良不惡日啖小魚蝦

宿通濟口

千里長江險舟行夢亦驚轉磯憂浪急入沌喜波平秋
老天猶燠宵長月自明洋洋通得水何日濟歸程

蘆花

悲秋已過黃花節照眼渾疑白帝城更類吾家子猷棹
飄然乘興雪中行

蘆花兩岸風蕭瑟渺渺烟波浸秋日鷗鷺家深不見人

小舟忽自花中出

夜宿思湖口繫纜蘆葦間夜半聞叢中有聲舟
人驚起終夕為之不寐

老境殘秋路入荆眼中何物不闕情蘆花間蓼紅依白
江水歸湖濁帶清狐兔叢深應自賀魚龍穴淺已相驚
扁舟夜宿無人境展轉無眠到五更

舟中作

竟日舟行無一家無邊眼界只蘆花花中知有雁多少

為我傳書到永嘉

漢水

方城以為城漢水以為池橫行江漢間楚子滅諸姬問
鼎輕周室爭盟會淮夷子孫世有國地大先王時封疆
六千里俛首為秦雌虎狼不可親前後幾見欺始墮張
儀計卒至王翦師西風吹黃蘆疑是騷人悲

宿夏郛口

夜宿古夏口時維季秋半江湖猶未落烟水渺無岸左

公昔屯兵仲謀方斫案助成赤壁勝坐使老賊竄壯志
寧下人借地聊取亂蛟龍得雲雨鼎足王蜀漢英雄不
復見江水空汗漫

九月十五夜

九月十五夜前年居故鄉雞黍修故事兄弟自范張豈
知今年秋扁舟葭葦傍三日無人烟雨細風悲涼澆愁
一杯酒苦語生悲腸

宿高牙

牢落楚天涯，夔門路尚賒。
落帆驚宿鷺，弭榜傍栖鴉。

有鴉

千百羣
集於柳

風伯聲喧枕，漁人水浸家。
江神阻行色，非是戀

高牙

兩宿

亡姊之墓在九月而不得其日十五日讀坡詩

至英公燎湏事不覺悲涕是日辛酉得非葬日

邪詩以寓哀

先人六兒女姊長孝且慈德淑命不淑哀哉止於斯莫
年失愛子哭泣鬢成絲年纔五十七一病不可醫姊死

我在傍姊葬吾不知初聞卜九月不得日與時丐祠既不遂臨穴竟無期日月為我昏風雨為我悲宦游何所得抱恨渺無涯尚餘英公須未作子厚碑

某欲作墓志不遂

便

當回雁蕩那忍過秭歸

秭歸縣在歸州有屈原故宅原既被流放忽然暫歸原有賢姊

曰女須亦歸喻令自寬離騷所謂女須之嬋媛兮是也袁宏以為秭歸之名始於此

買魚行

九月既望舟遇風不敢行魚肉果蔬之味俱無糧亦幾絕日莫聞謹諫聲有小舟破浪而來賣紅鹽魚及

鮫舟人爭買之予亦買以薦杯因作買魚行示聞詩
聞禮

風伯一怒聲如雷排空濁浪山崔嵬江湖千里人影絕
一葉小舟何處來蘆荻花中有漁者蓑笠為衣楫為馬
止將烟水作生涯紅麴鹽魚荷裹鮫舟人爭買不論錢
我亦聊將薦杯竿烹庖入坐氣微腥飮飽登盤色如赭
但能得趣酒杯中也勝彈鋏人門下君不見仲尼魚餒
則不食陳蔡面猶含菜色又不見退之欲飽東海鯨焉

知家有啼飢聲我居江鄉厭海味今日魚蝦八珍貴朱
門日興費萬錢未必一生常適意爾曹異日宦西東一
飯安得如今同寄鮓不須勞孟宗但願清白傳家風我
將歸結雞豚社不用擊鮮如陸賈但願年豐魚米賤欣
然醉飽同天下

過八疊有小舟賣蝦是日風便但江岸縈迂疾
徐相半

舟經八疊疾還徐帆便風高水自迂要與麴生談妙理

試呼漁父買長湏

過三义

派別從金口江行過玉沙風灣迤八疊烟渚會三义柳
老餘春色尊空負月華端如退之語江遠共蒹葭

泛泛江漢水

鄂渚上荊州泛泛江漢水縈迤知幾曲蕭瑟非一葦鄉
心秋色中旅思詩篇裏雲安在何處落日天邊是

宿網步時已入夜猶行舟忽聞犬聲知有人家

孤燈一點蓋漁舍也是夕有月不飲

網步知何處維舟日已昏孤燈耿漁舍一犬吠江村問

境欣名復

在復州界

歸心幾到溫遙天有明月惜不照金尊

過畢家池有姓陳者送香橙八顆云有子在太

學名景初有佛舍額曰永固院臨水而門閉有

神祠云江南吳王廟必孫氏也

甕間吏部姓名池僧舍人家傍水涯黍熟稻香俱可飯

橙黃橘綠最宜詩

江上人知我姓名枝頭手自摘香橙一盤來致殷勤意
儂有兒為太學生

江東英傑舊孫郎遺烈於今尚未忘猶有神祠枕流水
一間茅屋侶昭王

晚過沙灘有漁舉網得鰯魚二百餘頭橙橘正
青黃以百錢買橘得十六顆比鄉里差小而味
酸

漁人生計占沙洲一網鰯魚二百頭魚未到家人買盡

明朝一網更盈舟

地近荊州見木奴青黃照眼兩三株百錢買得霜前顆
味帶儒酸似老夫

晚來諸卒競歡呼糴糴香粳一斗餘拾荻為薪煮江水
就船沽酒喫鱖魚

舟中懷番禺趙倅公懋及諸同官用九日登高

韻

君如別駕寵我媿淮陽黯香水偶同僚江樓屢憑檻感

秋悲思多惜別剛腸減夔門嘯與諾安得對岑范

宿紫微

在監利縣界

高柳何人舍孤燈此夜舟遙從白帝去少為紫微留

二十一日至福田院留建聖節

魏闕回頭遠夔門去路長萬年天子壽一辨福田香
小院藏修竹柴門傍曲江繫舟楊柳岸詩句落僧窻

宿金雞渡

曉起雞未鳴晚宿雞鳴渡雞鳴又還起扁舟觸烟霧不

作田文奔不効劉琨舞孜孜慕舜徒去去官夔府

宿王家村

舟行湖北路千里家在浙東天一涯宿處問名同住處
梅花不見見蘆花

扁舟何日到夔州已泛荆湖半月船誤喜地名同故里
欲尋鄰舍竟茫然

王家又向此名村只欠青山侶左原滿眼黃茅仍白葦
荒蕪疑是我田園

讀楚東倡訓集寄洪景廬王嘉叟

預恐吾儕有別離
急忙刊得倡訓詩
江東渭北何曾隔
開卷無非見面時

寄題番易一江亭

一江明月夜歸遲
蕭洒齋中小范詩
亭自我名猶未賞
夢游江靜月明時

早至魯家狀復入大江見石首山

入由通濟口出自魯家狀
半月良已勞大江離
又復濛

濛烟雨中兩岸漁人屋遙山瞻石首鄉味思海族

吾鄉石首

魚秋冬間最多
魚中上品也

舟中記所見

不向三苗境上過

岳州乃三苗故都

此身端怯洞庭波浪翁未

免教才戲漁父時為欸乃歌蟲喜年豐頻擣米烏憂沙

漲自淘河

擣米淘河
虫鳥名

可無好處如鄉里橘綠橙黃恨不

多

二十五日先妣遠忌祭於舟中

有遺嗟無母舟中遇忌辰魚蔬當血食橙橘薦時新家
比去年遠囊如舊日貧白岩山下冢歸掃擬新春

夜宿下沙步有小浦葺舟於口懼有風也是夜
浪忽作聲如潮舟為之撼如是者三舟人驚懼
初謂有風起視則天籟不號星月皎然篙工云
江中畏炮炙鄰舟有煎油者岸圯而浪生曉視
之果有圯處或云鼃鼃之屬因記之

疑向錢塘宿潮頭夜半聲油煎江岸圯舟撼夢魂驚浪

自竈鬪吐風從蘆葦生江神不遷怒頃刻為吾平

天晴風順舟行過石首縣宿劉郎狀

殘月照荆江晨曦浴暘谷雲收瘦山腰風順飽帆腹微
茫見石首俄頃過吾目方茲驚洶湧何敢求迅速快意
固可喜遲鈍或為福風乎亦難矣去順來者讎江神豈
世情吾亦不私祝

予自鄂渚登舟近兩旬得順風纔二日耳高牙
遇風雨留兩日既而得順風過八疊江流迂曲

疾徐相半二十六日風駛甚方快之謂公安可
一日到也明山如故江與風背浪洶涌停舟不
行復用前韻

我欲効元子漫浪居退谷不效楚大夫醒清葬魚腹前
非戀高牙今豈嗜湖目泊舟兩句非不遲一日靡容速

直為退之規

韓詩此事正
好為吾規

寧覲塞翁福未易論乘除不

須生怨讎江水照吾心宜將正辭祝

舟人多焚紙錢予
笑曰江神有駐邪

再讀楚東集用前韻寄景盧嘉叟

二子聰明曠與離一尊容我與論詩待將後集從前刻
直到番禺送別時

寇萊公祠

油水江頭寇相祠凜然如坐廟堂時精忠一點不負國
枯竹知公人不知

宿黃壇

江口維舟問地名黯然撩我故鄉情平時尚怯黃壇嶺

誰遣遙臨白帝城

家之南
有黃壇

讀于公堂記寄孫錄聰伯

于公治獄多陰德溫靖居朝止肉刑番水同僚溫靖後
于公堂記有芬馨

十月四日宿于沙市舟中捲簾忽見新月天色
如水鄉思淒然得詩一聯云詩成天作紙簾捲
月為鈎連夕燭有花至六日家書來自臨安足
成一篇寄二弟

今夕果何夕章華臺畔舟詩成天作紙簾捲月為鈎蠟

炬知何喜鄉心未免憂家書隨雁足兩月到荊州

初九日離南用夔州船

扁舟經月泝江流又向江陵換蜀舟腸斷一聲離岸櫓
不堪回首仲宣樓

過虎牙

天遣西來亦大奇眼中渾是少陵詩虎牙銅柱為我好
却勝先生出峽時

至峽州登至喜亭謁歐公祠

曾於慶朔親祠范又向夷陵敬拜歐昔日四賢今見兩
慨然遐想舊風流

爾雅臺

隱迹江山郭景純

邵南有郭道山
乃景純學道處

學兼儒伎術通神蟲

魚草木歸箋注何害其為磊落人

楚塞樓

黃魯直名

楚國封疆六千里荆門岩巒十二背

去峽州四十里有
荆門山峯巒連延

號荆門南標銅柱北虎牙

杜詩虎牙銅柱皆傾側荆
門銅柱在南與虎牙相對天

險城邊古西塞

州南有天險城

江山如故名尚存形勢雖強國

何在水流三峽無古今月照孤城幾興廢吳蜀英雄空
戰爭屈宋風騷謾悲慨但願時清塞不塵樓上芳尊日
相對

離夷陵移舟至水西將遵陸霧甚咫尺不辨舟
人失津退數里遇渡船引而至岸有山在蒙籠
中乃觀音臺也過姜詩村飯士門鋪晚宿油榨
有山名四面頗佳

至喜亭前曉霧迷，櫓聲離岸眩東西。
疑游神女行雲峽，忽到姜詩躍鯉溪。
午飯釋亭同葺食，夜眠村店類雞栖。
眼中四面青山好，從此登天路不低。

飯桃花鋪宿覆盆

路入桃花桃未花，碧溪流水兩三家。
何年路接人間世，定是漁人歸去誇。

身在藍輿不自安，更勞牽挽上天門。
山中亦有人間月

今夜應須照覆盆

肩輿登高山以繩牽挽危甚

上大望州鑽天三里

身到猿啼百尺頭

百尺坡

更言前有鷓鴣愁試於大望山

頭望望見人間是峽州

豆子山前火墨溪迢迢一嶺與天齊
肉身安得鑽天手
肝膽崔嵬自作梯

宿千石聞誦書聲

一嶺鑽天到此平
夜眠聽得誦書聲
莫言此地名千石
萬石它年或可名

枕上聞鼓角

五更枕上夢還醒
初聽夔州鼓角聲
悲壯端如少陵語
它時送我更多情

過九盤嶺

水不經三峽山猶過
九盤數家修竹裏
堪入畫圖看

飯周平鋪南北山
峰巒皆竒有佛頂
峰鯉魚岩

羅漢洞

又曰仙居洞

說者謂類巫山
遇雨為雲霧所

蔽不盡見

未見巫山十二峰人言山與此山同定知神女巖深處
正在朝雲暮雨中

至歸州宿報恩寺

終夜江聲枕上喧子規來叫已銷魂身乘筇路思熊繹
詞誦離騷吊屈原城邑舊為夔子國民人多是楚王孫
誤恩分閩方圖報宿處那堪是報恩

題屈原廟

自古皆有死先生死忠清故宅秭歸江前山熊繹城春

言懷此都不比異姓卿
六經變離騷日月爭光明

過秭歸

晚日寒天過秭歸
江山點點上愁眉
况經宋玉悲秋處

不獨秋悲冬亦悲

宋玉宅今為秭歸縣治

二十四日視帥印于州大棧鋪

大棧名何壯孤峰勢更巍
拜恩羅吏卒列炬照烟霏
分閩來魚復懷鄉過秭歸
石門觀峽水東注疾如飛

宿巴東縣懷寇忠愍

製錦工夫早不同至今人道冠巴東澶淵一段竒功業
可在孤舟野水中

堂前雙柏今何在渡口孤舟依舊橫不似公安插竹處

凜然容貌尚如生

比過公安謁萊公祠蓋枯竹再生處也巴東祠廢可謂缺典因成二絕以

示邑官

初入巫山界登羅護闕雲霧晦默禱之因成

一絕

西來水陸備艱辛祇為君恩不為身為向巫山神女道

莫將雲霧惱行人

霧開復成一絕

關登羅護飯郵亭雲霧迷人晝晦冥神女有靈呼即應
廓然山色為吾青

登得勝崗謁武安王關雲長廟有泉一泓俗傳
謂兵至此無水拔刀刺地泉隨而湧廟西有磨
刀溪北有晒甲崖

得勝名崗蜀虎臣氣吞吳魏失防身磨刀晒甲遺蹤在

英魄猶能敵萬人

過風口望巫峽岩嶂如雁山祥雲峰經行峽烟霞障

十二巫山鎖白雲岩如雁蕩列江濱誰名雁蕩經行峽定是經行峽裏人

登燕子坡前有一岩在江之旁如天台赤城名烏飛岩

坡名燕子燕思歸岩號烏飛烏倦飛雲本無心聊出岫

風緣有口故吹衣

風口行雲皆巫山地名

巴東之西近江有夫子洞亦曰聖洞巫山縣有孔子泉說者謂旱而祈則應泉旁之民雖童子皆能書夫子胡為洞於此且有泉耶詩以辨之

夫子道不行嘗欲居九夷乘桴浮於海從者其為誰歷聘嘗之荆豈亦游坤維有洞巴峽間人言幽更奇雲深不可見奧處那容窺聖人肯巢山茲名良可疑吾道其非耶聊將友鹿麋巫山亦有泉可飲仍可祈泉旁都幾

家聰慧多竒兒父兄儻知教聖門皆可歸我來不及飲
清興隨泉飛寧比盜與貪聞名使人嗤禹穴會稽陰堯
山番江湄流傳雖失真未敢以為非魯人輕東家秦人
燔書詩茲俗聖夫子吾何敢夷之

自鄂渚至夔府途中記所見一百十韻

流火郡離饒悠悠驛路迨黃華舟解鄂渺渺大江遙七月

九日離番易九月十日自鄂渚易舟

肩弛番人檐

是日遣送還人回

身隨楚客橈

東甌鄉夢遠南浦別魂銷不過漢陽壘猶勞郡守軺遠

山看八字古國避三苗別水由通濟羈帆渡沅溇方隨
鷗浩蕩俄值雨飄颻夾岸華疑雪春天浪侶潮枝栖並
烏鵲苔宿伴鷓鴣旅思憑詩遣愁腸賴酒澆無魚不彈
缺忘味若聞韶孺子滄浪曲漁人歛乃謠逃虛音可喜
得雋語同囂秋老江經夏湖平境過宵夜鳴疑有虎昏
吠喜聞獠遺俗懷吳主荒祠類楚昭巨鱗烹縮項白粲
糴長腰茅舍橘初熟江村楓未凋柳枝猶楚楚竹淚尚
思姚雨後禾收晚霜前麥見蕎風清玉沙界月吐紫微

霄一辨香聞佛千齡壽祝堯沱潛終共道江漢訖同朝
渡口聽雞唱洲邊記鷺翹地名思故里詩句憶同僚塔
子瞻山色天門認斗杓航便河廣葦風順若邪樵石首
欣相問劉郎似見招雙帆方快意五兩忽狂颿誰弄黃
昏笛如聞赤壁簫孤烟為藕市一葉是漁舸江水澄泥
煮蘆薪帶濕燒夢回驚枕撼曉起覺風調蔬擷纔盈握
魚脯莫計艘橫波沉密網巨浪脫高跳紅想鄉醪滑黃
看野菊嬌左公城穴兔油口樹暗蝸水是蛟龍地乘餘

羽葆條竹由忠愍挿木自洞庭漂大士精藍壯將軍畫
像驍江空無戰艦水落有乘槎促織蟲知備淘河鳥受
徭風高鳴過雁天濶戾飛鷗雲夢封疆遠荆衡氣象遼
建都曾王楚為郡自平蕭息壤那容盜章臺可戒驕韓
詩誇府大漢史志民僇燕集堂開祀笙歌樂舞逍樓登
一日暇賦就百憂消落帽觀成阻游山興謾飄書隨鱗
出峽詩附翼還鄒離岸忽鳴櫓滿艘仍豎幟栖窓回蛸
蟬撲面集蟪蛸沙市人家遠方城草色萸食梨蘇肺渴

啜茗愈頭瘡覆屋曾非瓦名村浪有窰枝江縣羅國鳧

烏颺王喬百里環洲渚千家在葦苔津鄉誰復禦松邑

已非僑漢景餘清爽臨江尚廟祧轉灘驚見石挽絳眩

飛芳澎湃聲如擊玲瓏狀侶雕松楸悲相冢香火靜僧

寮轉盼宜都過橫雲楚塞崙虎牙端欲噬銅柱為誰標

月向夷陵看杯思太白邀文忠遺勁節精采凜生綃岩

白形如鷓魚黃狀類蜃邦人祀神禹郭璞當臯陶舟退

風飛鷁生浮旅泛藻鯉溪穿犖确牛峽隔峒堯孝起姜

村感音傳進足趨山家收芋粟土物貢薑椒澗水何曾
歇桃花未肯天覆盆鳴鹿友絕壁聚狐妖野媪頭纏白
行人背負鐮回看一州峽下視衆山么障日峰銜豆鑽
天石碍轎道逢懷刺禰卧聽誦書鼃被冷公孫布表寒
季子貂猶堪耐冰雪未暇憶炎歊倦上九盤嶺重觀三
峽橋好峰名佛頂欲畫少僧繇照黑紛持火愁荒猛擊
刀流虹瞻魏闕瑞白慶清朝國壽絲箕翼皇圖奕誦釗
歡聲形戴白環視舞垂髻避涉憂如馬觀形怯類猫眼

經巫峽險心過秭歸焦熊繹山城古靈均廟貌憔悴情
隨梗斷鄉思為梅撩境始臨夔府魂頻夢象削輕生甘
叱馭愛物戒揚鑣帥閩分誠濫州麾把吏僥拜恩羅吏
卒列炬散鳶鷁野渡水清淺孤舟人寂寥影防沙有蠶
音駭晝聞臬聖洞雲深鎖天池浪不搖林梢鳴烈烈峰
頂洒漣漣快覩天披霧愁聽夜滴蕉陽臺開愛日陰氣
廓玄枵六六盤初過三三界已超生朝念弧矢旅食分
簞瓢遐想賦風玉敬瞻行雨瑶過關寧有鬼及郭免逢

魘訪古尋詩史觀風入郡譙路難端可畏形役尚奚勞
行也知誰使官乎我亦聊欲賡劉與杜辭鄙甚芻蕘

梅溪後集卷十一

欽定四庫全書蒼要卷一萬五千八百六十八

集部

梅溪後集卷十二

宋 王十朋 撰

詩

初到夔州

某甲申七月至饒州以表謝上云雖才非太公不能
五月報政然忠猶杜甫未嘗一飯忘君既而與諸公
唱和有夔字韻詩果有易夔之命人以為讖方力丐
祠夢觀八陣圖乙酉十一月朔至夔水落沙露宛然

在目所歷山川皆少陵詩中景物也因成一絕用楚東韻

分甘易守不勞麾夢已先子到古夔識語端符楚東韻
忠懷雅合杜陵詩

查漕元章生日

十一月
望日

氣壓羣陰首占陽生賢時節自非常十分天上月輪滿
一線人間日影長攬轡威名崖雪凜和羹消息嶺梅香
要知三峽無窮水便是詞源與壽觴

周澹行可和詩復用前韻并簡元章

重聞鳴鳳瑞岐陽不比清齋老太常帝里別離頭併白
夔門邂逅日初長詩篇照眼騰光艷蘭友傾心藹國香
天遣西來端有意要令我輩共壺觴

又用行可韻

二公海內姓名聞我亦追隨到蜀門龍卧廬中嘆諸葛
蛙居坎底陋公孫雨聽巫峽夢時滴花看杜鵑啼處痕
誦唱又成夔府集論文欣對少陵尊

行可再和用其韻以酬

孤陋書生寬見聞西來端欲掃儒門懷人久作周公夢

訪道欣聞孔子孫

周首篇語及中庸

書為愛民成再奏

漕臺再奏馬綱

事
淚因憂國有雙痕休論身世無窮事但願常陪北海尊

又酬元章

叱馭西來媿子陽舊交重見白眉常傷心鬼錄人何短

懷馮貞仲

回首蓬山話更長夔府並游容倚玉計臺高選輟

含香我非逸少君如謝聊繼蘭亭曲水觴

行可元章再賦二詩依韻以酬前篇寓二後篇

寓三

不學金仙李伯陽來從雄愈論天常毫鋒落紙一臺妙
詩艷驚人萬丈長會見鷗鵬俱變化稔聞蘭菊各芬香
盍簪聯席論文酒却笑淵明獨引觴

朋得西南直諒聞同行宜入仲尼門交成一體慕龍友
政在諸家嗤魯孫雪唱紛紜騰天瑞詞源洵涌峽江痕

二公如月如太白我亦影隨同一尊

元章贈餘甘子用前韻

草稟南方地近陽不隨凡果當家常端因坡句聲名重

正類梅詩氣韻長

東坡橄欖詩云待得餘甘回齒頰已輸崖蜜十分酣歐公讀梅聖俞詩云

譬如食橄欖其味久愈在

回頰已輸崖蜜味返魂終共雪芽香

與茶最相

宜故人知我詩腸苦更贈蒲萄為薦觴

行可骨肉自西州來用門字韻贊喜

連夕西臺笑語聞綵衣人戲綉衣門定知情話同元亮

不用詩篇寄抱孫果見燈花將喜事寧愁江竹染啼痕
世傳婦人詩云君看江上登堂濫作韓公客白首相逢
千竿竹不是男兒淚染班

十載尊

吳叅議和詩用前韻以訓

名景偲
巴陵人

萬頃波瀾瑩岳陽氣鍾人物亦非常為郎堪嘆馮唐老

治郡未施黃霸長

吳吏事尤高此
攝萬州有聲

詩吐錦腸多麗句品

高蓮幕有清香穆生醴酒周瓊榻不是區區為奉腸

聞馬綱復行舊路聖主之恩諸公奏議之力

也元章用前韻喜而和之

此二篇原
缺無考

利溥仁言亟奏聞恩光萬里燭夔門網舡已免

闕

人鮮

棧道不應愁鵲孫

鵲孫
愁

村落烟餘烟火

闕

息斧斤痕坐看巴蜀回生意放我歡呼到酒尊

州縣有戒石飭官吏某至夔之初

闕

詩以自警云

爾俸爾祿民膏脂下民易虐天難欺聖訓昭昭日月垂
刻石子庭勵官師臣庭堅字尤瓌竒光堯宸翰增光輝

坤維門戶州名夔庭前戒石

闕

筆畫微茫觀者疑

大歲在酉嘉平時吉日丁亥刑

闕

命工舉石少高之

一新欄檻嚴護持銀鈎照眼光陸離天威咫尺顏不違
虐民之事焉可為勿謂蒼蒼不吾知與爾同僚共攷
攷

出郊送虞叅政因游竹亭小飲與者九人

送客出西郊天氣為我佳穿林看修竹偶與羣賢偕
避迨適我願三杯寫幽懷向來濤與戎此樂何繇諧

立春

巫峽逢生日夔州見立春行年五十五羞作戴花人

寄劉侍郎韶美

流落天涯老病身歸心一點逐新春故人少借論思口
放我山林作散人

正月六日游磧呈行可元章

踏磧逢為馬臨流想卧龍江山供指顧尊俎奉從容峽
水淺還漲巫雲淡復濃天教我輩合莫惜罄金鍾

呈同官

樽前記得少陵詩，好向江頭盡醉歸。
此日風光真可惜，古來樂事巧相違。
細看八陣圖猶在，欲問三分迹已非。
惟有年年古夔國，竹枝聲裏日暉暉。

買山

夔山皆童子買山植木以庇之，懼芻牧之不禁，作詩以告後人。

書生為郡亦迂哉，剝買童山買木栽。
但遣牛羊勿踐履，他年定出棟梁材。

給水

夔以竹筩引水見于杜詩，以義泉名門，則知昔之為州者不榷水而取錢也。予始至

聞公庫歲收賣水錢千餘緡鈴轄司亦如
之子以水給人懼後人廢之故作是詩

接筒引水下山陬端為夔民解百憂長使義泉名不斷

莫教人費一錢求

修壘

夔城頗惡予修之雖雉堞一新然土城易
壞兵有守城者勿它役隨壞而補則城常

固矣

莫將逆旅視居官直作吾家活計看墻壁時時為修葺

安知勞苦是平安

種柳

東至夔唐西過社亶凡十餘里種柳二千
根後人或不斷伐則垂條聳幹當如柳子

厚但愧無

惠化傳耳

灤水東西十里餘新栽楊柳二千株會看聳幹參天去
能侶甘棠勿翦無

江月亭二絕

長江何處水明月幾州天月與天無約相逢是偶然
江山今古幾英雄割據并吞總是空惟有江流不轉石
千秋長在月明中

登真武山

籃輿曉上小琳宮
夔子江山指顧中
道士手栽山上栢
身猶未老榦凌空

上元山中百姓出游作三章諭之

鄰里相呼入郡城
巴歌楚舞沸歡聲
三宵游罷同歸去
勉力耕桑事父兄

三日嬉游喜遇晴
還家又見麥青青
但須及早輸租稅
莫要勾呼到訟庭

好去耕耘隴上田
但能勤苦有豐年
家家飽煖身康健

更向明年看月圓

題諸葛武侯祠

八陣圖旁丞相祠
風雲慘淡會當時
功成豈止三分漢
才大非惟十倍丕
渭上忽傳司馬走
蜀中長起卧龍思
我來再拜瞻遺像
淚滿襟如老杜詩

登詩史堂觀少陵畫像

萬丈光芒筆有神
兩眉猶帶淚酸辛
殘杯不復隨肥馬
賸馥端能丐後人
夔子江頭吟處景
杜鵑聲裏拜時身

敬瞻遺像觀詩史一酌雲安麴米春

送參議吳郎中

扁舟西泝蜀江長邂逅論交得老蒼
幕客可能淹杜甫郎官誰復識馮唐
梅花開日方聯事柳絮飛時遽趣裝
我過洞庭應有日定須來掃蓋公堂

夔州祀社稷于州之西五里地不盈畝壇宇庫
陋垣墻頽圯非所以宗明祀也買地易路築屋
增壇命同僚董其事不踰月告成二月戊子祀

事既畢詩以記之

天下通祀惟社稷次則曰雨曰雷風勾龍與棄配土穀
是皆於民有大功古夔子國今會府其於明祀可不宗
西郊壇宇何太陋我忝守土責在躬廣而新之緊誰力
蓮幕花縣謀僉同築垣旁近丹荔圃闢路下壓黃冠宮
地有松栢兼可植時和黍稌行將豐夔門社稷宗社稷
願與天地同無窮

游卧龍山呈行可元章

我輩逢山眼即青，卧龍頂上喜同登。
圖留沙磧懷諸葛，詩誦江濱憶少陵。
巫峽雲飛天一握，瞿唐魚化浪三層。

俗謂瞿唐峽為龍門

籃輿又向人間去，回首林泉媿老僧。

聞詩得男名之曰夔

夔乙酉十二月十九日生，詩以二月二十四日作。

巫邑初傳鯉

是日巫山送雙鯉

吾家遂得夔，遙來如馬地。却應

夢熊詩

聞詩在番禺日，夢熊入書院。

官忝二千石，孫看第一枝。欣同

君子抱祝汝，侶吾兒。

甘露降于宅，堂竹間凡半月。三經雨乃止，州宅

有甘露堂昔周侍郎為郡露降焉易見山堂以
名之子無善政懼其為灾記以二絕

湛湛下脩竹味如飴蜜甘人言此為瑞無德可能堪
竹間甘露日灑灑飴蜜珠璣帶細香天閔夔民歲飢饉
雨暘時若乃嘉祥

元章贈蘭

英英道山友贈我深林芳入室與俱化同心如此香
之可為佩不采庸何傷三復韓子操援琴鼓揚揚

卧龍山有武侯新祠再用前韻

山藏古寺栢青青地重端因蜀相登沙上不聞江轉石
人間幾見谷為陵龍蛇樹影搖千尺玉雪花枝吐萬層
堪嘆草廬誰復顧淒然香火却依僧

寄書與二叔二弟

八十高年林下老四千餘里夢中家雲安雙鯉隨春水
為我傳書到永嘉

左原端是脊令原誰遣分飛到蜀門况是清明寒食候

杜鵑聲裏斷離魂

題卧龍山觀音泉呈行可元章

去歲游廬山社中觀白蓮不飲遠公酒聊酌聰明泉肩

輿過武昌乘興西山巔岩乳飲菩薩詩篇誦蘇仙

武昌西山

有菩薩泉東坡名之夔州苦無井瘦俗殊可憐竹筍喉不乾可浣

不可煎日汲卧龍水屢賴擔夫肩所取都幾斛深慙未
投錢前日招提游入耳聲涓涓泓澄可照膽草木皆光
妍却疑南陽人蟠螫清冷淵慘淡會風雲滂沱霖普天

源如少陵詞清入光芒篇餘波漲瞿唐洶涌吞百川何
人著水經漏此不及編道人出新茗林間手新研共以
夷齊心來結觀音緣至今清夜夢猶到幽亭邊交游况
離索回首成悽然

元章移節西川

何時鹿呦呦重訪山中禪

僧言

前日吾儕將至山中鹿鳴

元章贈筆戲成一絕

東臺使者妙詩文贈我中書四十君我不善書慚拜賜
中書今日遇將軍

再酬元章

一尊方喜細論文
春草題詩又送君
手握管城言不盡
詩壇誰復將中軍

又答行可

道造精微更有文
絳侯應媿不如君
試將武事論詩筆
句法嚴於細柳軍

訓行可惠白酒

渴懷思欲吸
長江聞說西臺釀
滿缸一斗青州白
從事

忽隨詩句到蓬窓

同行可元章報恩寺行香登佛牙樓望勝已山
籃輿拂曉出東關鐘磬聲聞杳靄間心欲報恩頻入院
人逢勝已更觀山竹香細細禪房靜江水渾渾野渡閒
欲問漁人國典廢黃鸝隔葉語縣蠻

五月四日與同僚南樓觀競渡因成小詩四首
明日同行可元章登樓又成五首

蜀江險處是夔州灩澦堆邊看競舟為報番禺相識道

去年人在此登樓

去五月四日會僚友于番江樓酒中分韻得月字云明年何處更登樓

望番易

江上月

臺前八陣已陳迹
水底三閭何處招手把菖蒲對佳節
興來呼酒勸同僚

番易夔子兩端午去歲人如今歲人

兩年皆十六人

真是吳頭

來蜀尾子規聲裏弔靈均

榴花照眼對佳客
荷葉傳杯懷故鄉
想見明年話夔子
又如今歲念番易

黍遇今朝盡生角艾從何處忽為神荷香十里一鉤月
定有扁舟歸去人

舟人鼓楫呼何在聲似湘沅江上聲更聽劉郎竹枝曲
不論南北總傷情

細葛含風羅疊雪近臣初拜賜衣時願因角黍詢遺俗
學士寧無六一詞

競渡本來緣救溺陵波初不為爭標今人不解古人意
得勝歸來笑語囁

綵舟兩兩鼓鼕鼕勝已山陰瀼水東父老相逢話良苦
兒郎多在馬舡中

劉韶美至巫山寄詩因次其韻

終日思歸未有涯夢魂無夜不還家莫雲春樹憶太白
流水高山逢伯牙卷軸隨身雖有厄

韶美至狼尾灘
失舟壞書籍

風

流得罪可無譁

劉以收書
致頌言

相逢莫便忽忽去弭棹夔門

過食瓜

送元章改漕成都

取友四十載普天半交游
薰葭羣玉間莫盛登瀛洲
元章真國士未見心已投
雅抱畎畝志共懷天下憂
館閣育人材孰云專校讎
慷慨論世事不見范尹歐
疆場况如許寧不憂宗周
精忠屹肝膽苦語驚冕旒
君去竅勇決我行尚遲留
初別擬十載相逢忽三秋
龍飛起元老江淮握貔貅
禮羅得竒才戎幕資良籌
人事苦好違壯懷莫能酬
去持夔州節遙泛瞿唐舟
我亦來自番茲行豈人謀
八陣觀壯圖三峽窺倒流
訪君義勝堂顧我制

勝樓如馬謁白帝卧龍尋武侯江亭覽月色園花賞春
柔果分餘味甘蘭贈深林幽詩篇浩卷軸墨妙輝山丘
氣薄文艷杜詞卑竹枝劉吏事容拙踈交情荷綢繆綸
言下北闕綉衣使西州流錢豈君事易地曾何優胡不
班玉笋入告嘉謀猷巴子國最貧瘡痍民未瘳君去誰
撫摩欲借嗟無由我已上詞章歸歟老田疇遲君還日
邊寄書到東甌

次韻元章留別

送客成都在回舟白帝邊
月應遙共對 夔復有誰憐
我只懷歸計 君宜了世緣
相期翼吾道 餘事讀楞圓

夜與韶美飲酒瑞白堂秉燭觀跳珠分韻得跳
字

五月峽中天氣歎竹筍引水那能澆
江濱龍老卧未起
崖石不枯珠自跳
草草杯盤對君酌
燈前疑是簷花落
毫端寫出萬斛珠
共向炎天作冰雹
妃子名園荔子丹
絳囊初摘堆金盤
細擘輕紅唱君曲
咀嚼水晶牙頰寒

老翁真箇如年少，激水成珠堪一笑。
劉侯自有胸中珠，不止照人兼自照。

儀鳳得珠字

別來世故朝昏殊，相與言之汗模糊。
兩翁得酒促坐席，感深念極氣欲蘇。
籜龍亦解作水供，紉繹尋丈如渴烏。
衣巾生秋背毛豎，金石相應環佩趨。
江山豪壯旁尊俎，醉中頻負纍纍珠。
此時一事復掛口，為樂未竟成喑鳴。
夔州憂民困湯火，潤澤有志無坦途。
眼前焦熬十萬戶。

欠伸戲笑皆濡濡自操量槩入官廩不輸一錢分水符

讀書功力無表畔久矣俗吏輕吾儒

州民輸租得自操槩量免城中水錢

以已奉補公帑比入境得之民謠者

次韻韶美失舟閔書

醫師籠參朮良將枕戈矢儒生嗜底物書卷掛口齒劉
侯西南來歲月十首尾閉門閱古今過眼分亥豕異書
照神藜竒字哭妖鬼許身如蠹魚文字共生死風流反
得罪去國果誰耻仙舟載祕閣便腹貯名理江神亦世

情逐客多不喜厄同焚書秦惡類滅邪燬沾濡徧箱篋
痛惜到骨髓我初聞為驚終夜成坐起得君詩細讀罪
已不罪水願言坐嘯餘書著子劉子

韶美歸舟過夔留半月語離作惡詩二章以送
五載三詩送我歸古夔今作送君詩相如游處符分竹
諸葛陣旁舟解維秉燭莫辭頻把酒揮毫未免各憂時
可憐灑瀕雙蓬髮會合無多又別離

弱羽年來正倦飛夔門邂逅故人歸人生一笑難開口

世事多端合掩扉况是桑榆俱晚景何曾富貴已危機

明朝悵望仙舟遠百尺高樓上靜暉

州宅有靜暉樓此篇用韶美送元章

韻

元章至雲安用送韶美韻見寄次韻以酬

社燕秋鴻不共飛却因送別更懷歸一壺獨酌人何處
千里相思月滿扉烟雨已催子把釣功名行看子投機
雲安雙鯉傳書至詩句清含山水暉

靜暉樓前有荔子一株木老矣猶未生子去其

枯枝今歲遂生一二百顆至六月方熟

木老生遲六月丹

夔涪荔支皆五月間熟

明珠百顆照朱顏因渠

鳳味思瑤柱

東坡以荔支北江瑤柱

撩我鄉心念玉環

玉環妃子名也吾邑

有玉環鄉

路遠應難三日寄

荔支過一日則香色味俱變閩中荔支三日到永嘉

樓高

更上一層攀君謨譜內丁香種宜在江陳品第間

味甘而核

小正如閩中丁香荔子

行可和詩再用前韻

肌膚冰雪鶴頭丹三峽相逢一破顏人折高枝如折桂

馬銜餘顛似銜環香傳樂譜名尤重

曲名荔支香

紅入詩家

句莫攀

老杜有輕紅孽荔支句

來歲熟時先寄我夢魂應到白雲

間

計臺有白雲樓

行可再和因思前日與韶美同飲計臺臨池摘

實復用前韻

星火燒空一夜丹來禽青李覺無顏少陵池館三人賞

世傳計臺乃少陵舊宅今有祠堂

白帝江山四面環生晚免教妃子汗

食餘應許黑衣攀閩娘十八誰標榜未必風流侶此間

坡詩亦及黑衣
郎謂猿猴也

又用韻呈行可

神仙乞與返魂丹，枯木能成處子顏。
雅樂聲中逢魏絳，重圍解後見齊環。
九齡賦妙那能繼，三峽詩高未易攀。
兒輩莫言酬倡晚，吾鄉食實在秋間。

夜來和詩兒女輩
云荔支已過乃方

作詩何也鄉里
七月方食閩荔

元章至萬州湖灘寄六言一絕云：滿目莫山平，
遠一池雲錦清。酣忽有鐘聲林際直，疑夢到江

南某六月朔日登靜暉樓觀江漲望西南碧遠
數峯乃前日送別處也為之黯然樓前荔子初
丹次韻寄元章

遥碧峯尖如削輕紅荔臉初酣水漲江天渺渺故人一
葉西南

韶美至雲安寄詩二首再用詩字韻以寄

劉郎初自日邊歸入峽殷勤寄我詩大小承天思越絕

往在會稽韶美居大承天
寺某居小承天今號能仁
後先去國會坤維分題應記

跳珠夜送別還思入竹時千里遙遙共明月此心無合
亦無離

伏日與同官小飲瑞白堂觀跳珠分韻賦詩

瑞白堂虛冰雪凝散為珠玉洗炎蒸詆諧未效東方朔
賦詠聊追杜少陵

伏日懷番易同僚

去歲番易四望亭題分十二志同登眼中忽見天邊月
不謂天邊是固陵

餘干翁簿以予去饒之日郡人斷橋見留畫圖
賦詩見寄因次其韻

我慕鄭子真躬耕老岩谷不慕蘇季子腰金詫宗族
失脚踏塵網回頭念幽獨向來鴛鴦行進退慚碌碌把麾
番君國飲水清灣曲緬懷九賢人痛閔千里俗奉揚乏
仁風黎庶困炎燠疇能政有成敢望諾無宿厚顏叨祿
廩汗背擁旌纛命下忽夔門諸公孰推轂水陸三千里
湖重嶺仍復至喜謁文忠秭歸懷李真番人憐老守去

類楚臣逐出門橋已斷擁道頓爭威初無龔黃政濫繼
秦侯躅仇香舊同僚別寄兩竿牘賦詩仍畫圖開卷宛
在目清音滿於越餘韻到巴蜀我有二頃田荒蕪雁山
腹願畫歸去來芒鞋事耕育

贈裴童子

文公有序規童子將聖猶言畏後生好把五車書盡讀
五車讀了要須行

行可生日

六月十四日

千載岐周鶯鷺聞果生英傑嗣姬文鯤鵬變化正六月
蟾兔光輝將十分肯把威名爭烈日只將道眼視浮雲
祝公壽共詩書久一瓣心香已敬焚

王嘉叟和讀楚東詩復用前韻以寄

照眼驪珠光陸離莆田太守寄新詩死生貴賤交情見
惟有吾宗不徇時

嘉叟和黯字詩再用前韻以寄

金谷富季倫兀坐貴思黯人間幾泉石豪奪在軒檻燕

賀厦初成花飛春忽滅破甑任生塵只有菜蕪范

和喻叔竒宿大水寺

水記餘干大風觀楚國雄吾詩留大才君句壓雄風番
水連天碧潘花滿縣紅

叔竒攝
邑安仁

論文一尊酒何日故人

同

用讀楚東集韻寄元章

誰遣吾儕合又離江山深憶共題詩君舟西上吾東矣
尊酒論文更幾時

納涼

簾捲見山近
窓開聞竹香
訟庭公事少
靜坐納微涼

立秋

節物催吾老
天涯見立秋
涼微金尚伏
暑熾火方流
家

遠思嘗稻年
衰怯戴楸菱人立秋
歸耕期已近
河漢望

並替楸葉

牽牛

七夕

去年佳節吳頭見
今夕秋聲峽內聞
桂魄漸看成半壁

銀河猶自掩微雲
晒書空有便便腹
乞巧初無怪怪文
為向碧天牛女道
夫耕婦織莫辭勤

懷番易

一別番易歲及期
夔門又見食瓜時
自慙政拙無遺愛

安得民心有去思


同官有錄
民謠見寄

齒落用昌黎韻

我來饒與夔三載
墮兩齒懸知年非永
早悟仕當已要
須未落時猛效二
疏止胡為一再落
不已良可耻慨然

懷古人未有長不死因思年方少輩行多勝已顏紅齒
牢潔往往同逝水吾衰况如許寧復老彭比覽鏡視顏
色今昨不相似行年五十五萬事可休矣功名與富貴
何足紀但願早還鄉俯育三百指婚嫁畢兒女松
蘿悒悒恃弟兄飲真率故舊忘汝爾齒牙任搖脫肉食
吾不視有身久為患無齒實堪喜始憂笑韓公可惜陋
子美未必傷我心茲言聞柳子

梅溪後集卷十二



總校官庶吉士_臣侍朝

校對官中書_臣金光悌

謄錄監生_臣沈恕

欽定四庫全書薈要

集部

梅溪後集卷十三
四

詳校官助教臣謝登雋



欽定四庫全書蒼要卷一萬五千八百六十九

集部

梅溪後集卷十三

宋 王十朋 撰

詩

十八坊

宣化

聖主有美化丁寧戒守臣毋令挂墻壁宣以及吾民
刑清

昔日循良吏獄空無怨聲刑清本無術心地要先清

介福

茲地有神宇人人來薦羞神雖能介福福亦自湏求

弭節

川峽天下險幾人持節過好來平處弭莫起險中波

皇華

夔府皇華地乘輅都幾人誰如二使者實息活斯民

海陵

查元章少城周行可同為夔漕措置徑折以寬民力獨一路積負凡十餘萬緡時它路方進羨餘

興儒

刀笠燒畬俗舟航撒旋鄉五經誰教子儒術破天荒

宗化

西接卿雲里東連屈宋鄉好風吹峽水盡作魯芹香

懋遷

相與勿言利要令通有無家家香一瓣心慕舜之徒

子每

過此坊見
多焚香者

興龍

欽宗皇帝母王皇后所
生之地寺額曰龍興

世仰欽宗聖人知太母賢千秋龍已化香火蜀江邊

卧龍

非長陳壽贊無首杜陵詩廟貌并公論
如今勝昔時

慶豐

誰道夔門陋茲坊號慶豐守臣憂國願
端侶杜陵詩

禮賓

前山名勝已夔子有嘉賓館闢自子始
媿非賢主人

通津

大江來自蜀衆水共朝東我欲扁舟去
問津從此通

義泉

官費接筒竹民蠲沽水錢丁寧後來者莫負義名泉

永安

分鼎江山在受遺宮闕荒風雲時慘淡疑會舊明良

折桂

月窟何人到向來標榜新如今折桂者不止一坊人

知足

二疏歸去後林下少休官聖代夔門裏一枝栖故鸞

譚主

薄弃官隱
于是坊

和風

郡城深僻處車馬罕經過
中有人多少人和風自和

制勝樓

絕塞依天險高城瞰陣圖
公孫曾帝蜀諸葛欲吞吳
尊俎衝千里關山敵萬夫人謀
無地利端坐靜邊隅

中元日得雨

秋陽亢流火時雨洗中元
既賀苗蘇稿還欣暑滌煩
德

知天地大功任鬼神言願作老農圃一犁耕故園

夢覺偶成

早秋良夜月朦朧夢覺涼生枕簟中數點過雲簷外雨
一聲落木隴頭風

題無隱齋寄交代張真父舍人

遙自不欺室來居無隱齋事君均有犯得郡兩俱佳西
蜀去何猛東甌歸未諧清風數竿竹時見故人懷

漕臺賞荷花因誦昌黎太華峯頭玉井蓮句遂

用其韻呈行可

天池水落華開蓮綉衣呼賓傾玉舫賞花對酒誦佳句
香徹鼻觀頭風痊韓公思摘太華實陶令不結東林緣
何如君有第一朶池上許我清芬連

池心初
開一朶

再用前韻

夢草池塘千頃蓮紅雲樓閣游人舫

永嘉有夢草
池紅雲樓

熏熏

風日作夏供病不須藥花能痊竭來夔門念鄉國淨友
喜結西臺緣明年華開各南北今日有酒宜留連

張主管攝郡秭歸贈以三絕

魏公名德最芬馨猶子傳家有典刑勉力施行誠與善
民謠待向峽中聽

女湏歸處郡如何地狹民貧事不多把酒送行無別話
要先撫字後催科

政術遙傳京兆張笑談為治定循良諸生相見宜相勉
正是風騷屈宋鄉

蒲萄

水晶馬乳薦新秋青紫酸甜孰味優只可堆鹽餉韓子
不宜釀酒博涼州

寄趙果州

九江話別已經年三峽相逢豈偶然預掃江頭禮賓館
論文尊酒菊花天

寄閻普州

對策天庭老布衣真言中已有危機須知東普勝西掖
好買扁舟及早歸

八月十二日雨

七月之間旱如燬禱而得之偶然耳八月又旱農無秋
同僚勸效前日求我方省愆未及禱沛然一雨蘇羣槁
古人重請應上公何敢頻煩瀆蒼穹但願時暘及時雨
不獨一州天下普

中秋對月用昌黎贈張功曹韻呈同官

水精為鑑金為波桂空影寫山與河

韓詩河
韻在前

清光此夜

十分好有酒有客宜高歌去年今日行役苦浪叟谿邊

宿逢雨

去歲中秋宿瑞昌驛元次山舊隱處

傳聞蜀道如天高崖懸壁絕

哀猿號波橫劍戟不易上陸有虎豹何由逃江山舊恃

白帝險風俗猶帶烏蠻臊驅馳兩月到西塞夢寐萬里

還東臯嗅梅踏雪巴子里路入鬼門欣不死飛飛倦鳥

惟思還玉筍豈是麤官班餘生但願閒及酒虛名寧顧

觸與蠻良宵佳客十有五雲放月入尊壘間頽然老子

興不淺韓詩坡句聊追攀君不見天寶霓裳羽衣歌人

間樂舞難同科遺音猶在悲涼多

舞霓裳隊

有酒且飲遑卹

他不飲如此良夜何

盤古廟

盤古千古江頭遺像存伏羲猶後輩禮殿盡諸孫不
屋昔非陋有祠今未尊東鄰二郎廟巫覡醉朝昏

盤古祠止

一間庫陋甚無祭祀者
傍有二郎廟祀者甚衆

趙果州之子年十四能作大字果州自荆南以
詩寄予命書之字畫老成異日必名家因贈以

詩

子政平生直諒聞，故應有子嗣清芬。
讀書行見破萬卷，識字豈惟能八分。
年少便宜觀上國，詩成真可張吾軍。
校讎異日居天祿，玉葉金枝有子雲。

送如上人

蜀道青天不易登，飄然雲水遇鄉僧。
芒鞋便欲相隨去，身縛簾官愧未能。

十年作別稽山下，萬里相逢峽水西。
天下名山游已遍，好尋潛澗一枝栖。

州宅雜詠

甘露堂

昔日賢太守堂前零露甘
我來無善政露下亦何堪

萬卷堂

書讀萬卷破少陵觀國初
登堂吾有媿頭白腹空虛

瑞白堂

昔日曾夔州茲堂見三白
為瑞不嫌多年豐取宜麥

詩史堂

誰鐫堂上石光艷少陵章莫作詩人看斯文似子長

易治堂

舊名
整暇

風俗無難易治之端在人古夔尤易治風俗本來淳

唐李

貽孫記夔州風俗云其賦易征其民不偷長吏得其道莅之如反掌耳

細香堂

舊名
愚堂

官舍誰為友青青只此君細香來燕寢奚用炷爐熏

靜暉樓

占得高明地長聞燕寢香江流匹練白竹日萬金黃

制勝樓

形勝據天險金湯無以過英雄多失守制勝在人和
穿楊亭

仁者果何似宜於射也觀穿楊不在手心地要湏端
無隱齋

勿謂江湖遠長如天日臨事君何敢隱中外一般心
跳珠

分得天池水跳成月峽珠一清夔子國炎瘴自今無

土洞

穴土誰為洞溫涼欲自私人間有寒暑坐此豈容知

州宅

有二土洞一在設斤之北一在靜暉樓之下冬可避寒夏宜取涼然久處其間則能發疾非天地之正氣也

栢

深山夔子國古栢靜暉樓柯葉今如許相看幾故侯

荔

誰種樓前荔周天幾歲星子隨心地赤葉到歲寒心

竹

郡齋誰種竹綠蔭夫多濃我欲添清閱殷勤護籜龍

柑

白帝誰云陋黃柑亦自香一株三百顆風味自吾鄉

前輩有滿城風雨近重陽句而不成篇九月六日遇雨因為足之招同官分韻

滿城風雨近重陽準擬登高尚渺茫會見明朝天氣好不教孤負菊花黃

又用前句作七絕

重陽無數日風雨登臨緩會見天氣佳黃花插湏滿
老對黃花節遙臨白帝城空齋聽蕭瑟點點是鄉情
江山悲木落身世嘆飄蓬未會登山客先吹墮帽風
巫峽有雄風菊天多細雨知我欲登高先期洗塵土
竹葉悲杜陵秋雲吟柳惲家鄉雁蕩遙節物龍山近
灰飛季秋管雲暗巫山峯我欲廓氛曠試呼黎與重
節近愁陰雨雲披見太陽殷勤呼酒伴爛漫醉秋光

九日登卧龍山呈同官

老逢佳節強躋攀，興遠東籬媿未還。
與客携壺登縹緲，尋僧對榻卧幽閒。
白鹽照日一峯古，烏帽吹風雙鬢班。
坐上無非孟嘉客，卧龍山却勝龍山。

又一絕

夔子山高峽天濶，騷人宅近剛腸悲。
菊花上頭不易得，酒盞到手何須辭。

送何希深舍人赴召

十年持節國西門，萬里東歸德愈尊。
平叔淵源易論語

子雲遊戲字方言坐令國體還元氣重見文星照掖垣
廊廟諸公倘相問為言真欲老田園

至瞿唐關戲用山名成一絕

取友要如山勝已居官宜似地青簾邊庭未靜尚赤甲
昂昂欲調瀕白鹽

連日至瞿唐謁白帝祠登越公三峡堂徘徊覽
古共成十二絕

瞿唐

七日重來白帝城
勞生遠宦厭將迎
瞿唐莫下今宜下
興逐漁舟一葉輕

灩澦

水漲瞿唐勢更危
舟人貪進只嫌遲
天將此石垂深戒
看取形如象馬時

白帝城

火德重興六合同
金行數止一星終
鼎分雖媿劉元德
面縛肯為安樂公

越公堂

柱國楊家二世亡越公遺迹獨縣長不能牢固隋基業
枉費精神在一堂

三峽堂

三峽堂中看倒流沉舟側畔過千舟世途險更勝三峽
多少人懷積羽憂

石筍

白帝祠前石筍三根連灩澦瀨立相參不知此石能言否

往事應同老栢談

有二栢
甚古

白鹽

蜀中鹽井知多少
功利端能與海分
尚使此山真可煮
商功計利更紛紛

赤甲

赤甲城連白帝城
子陽曾向北屯兵
區區板築徒勞耳
尚赤由來是漢營

東屯

少陵別業古東屯
一飯遺忠畝
畝存我輩
月叨官九斗
須知粒粒是君恩

昭烈廟

老臣苦欲爭天下
嗣子何曾思蜀中
古屋數椽猶廟食
傷心地近永安宮

八陣圖

一家天下裂三都
忠憤填胸出陣圖
千載相知惟白水
此心元不為吞吳

勝已山

私心克盡道方大勝已與游名始成物我太深誰氏子

卻將已勝易山名

有易為已勝者見圖經

題無隱齋

簷日照我几竹風清我襟官身心處士官舍趣山林

送喻令

捫膝先生有鳳毛三年魯邑試牛刀要令人被絃歌化
詎肯身辭州縣勞賢令首祠唐質肅詩篇時出楚風騷

西歸更勉家傳學雲鬢行看九萬高

十月九日雪

夔子今年雪初冬已在山峯非是鹽白鬢不為詩班寒

律三朝後

五日
立冬

雷聲八日間

二日
雷

潛催子猷棹乘興早

知還

食柑

蕭山陸吉東坡傳夔子黃柑老杜詩楚越相望五千里
西州滋味獨儂知

十日買黃菊二株

十月更十日黃花開滿枝鮮鮮如可食采采還自疑重
陽不堪摘况後一月期既晚何用好茲言聞退之天然
傲霜性寧問早與遲不以日月斷深杯為花持

采菊圖

淵明耻折腰慨然詠式微閒居愛重九采菊來白衣南
山忽在眼倦鳥亦知歸至今東籬花清如首陽薇

梁彭州歸自道山沂流入峽以二詩見寄因次

其韻

首遇重華闢四門
郡符帥閫誤蒙恩
路經灑灑少陵鬢
草夢池塘靈運魂
馬運敢辭論水陸
兵儲未暇議營屯
故人相見談時事
耿耿胸中直氣存

壯夫白首兩同年
又繼錢塘唱和篇
十載音書天上雁
一江風雪峽中舡
西州賢守得高適
東觀人才推孟堅
紫陌曾陪探花馬
姓名深媿在盧前

梁彭州與客登卧龍山送酒二尊

五馬携壺上卧龍
四夔連騎與游從
山中古栢歲寒色
應為清流作意濃

天祿歸來揚子雲
酒隨後乘為論文

梁云舟中
猶有浙酒

雲安麴

水瓶雙玉聊助詩人作小醺

閻普州趙果州舟中唱和以巨軸見寄
誦以二首

聯舟西上沸歡聲
趙壁隋珠照坐明
一客詞流三峽水
百篇詩壓五言城
廣文舊舍欣重掃

閻嘗為夔
府教官

阿買竒

兒况侍行

果州二子皆善作字

我以禮賓名客館雲安麴味待君

頌

燈結寒花鵲有聲書傳雙鯉眼增明人言盡是青雲士
天遣相逢白帝城富貴有機端可畏山川非險莫辭行
定知蜀道從今易東普南充蓋已頌

丙戌冬十月閻惠夫梁子紹得郡還蜀聯舟過
夔訪予於郡齋修同年之好也因觀太上皇帝
親擢御札及館閣題名感嘆良久輒成惡詩一

章以紀陳迹且志吾儕會合之異

光堯親擢賜魏科糠粃居前有媿多書向蓬山俱點勘

皆為校

詩從天竺共吟哦

有游天竺唱和

十年尊酒喜身健五

書郎

馬人生驚髮皤

予與閣老矣梁方三十九然容髮已不及登第時

握手夔門話

疇昔君恩未報欲如何

與二同年觀雪于八陳臺果州會焉酌酒論文

煮惠山泉淪建溪茶誦少陵江流石不轉之句

復用前韻

吾儕風味雅同科，領略江山逸興多。
諸葛陳圖臺上看，少陵詩句酒中哦。
惠山活水煎茶白，勝已高峯帶雪皤。
絕境况逢三五馬，定將詩句壓陰何。

惠夫子紹二同年，懷章過夔宗英趙。
若拙聯舟西上賦，詩二首記吾三人會。
合之異次韻，仍簡二同年。

端似唐人會，年句追籍徹。
孟韓聯朱幡，俱任專城寄。
白首叨持帥，閫權鼎甲豈如天聖榜。

果州詩歷舉天聖以來鼎甲之人

宗盟不減德麟賢客真不惡主人惡勝已名山自古傳

夔州前山

名勝已

晚菊鮮鮮梅葉新天涯對酒忽三人才高不比丹青相

志大聊為州縣臣

梁彭州

麾把普彭夔子國榜同磨愈李

元賓二公行矣居廊廟放我江湖作逸民

與惠夫若拙小酌郡齋再用聯字韻并寄子紹

子紹
已行

杯盤草草酌同行更與英英玉葉聯我輩論交真有道

異時當國願無權策蒙親擢言尤直

御批閻策云
盡言無隱

名不

留中已足賢

果州名
對不留

天遣西來結詩社郵筒毋惜往

來傳

三友堂

閻梁二同年過夔把酒論文于小書室既別因目之

曰三友

丁丑同年友三人忽此逢符分俱握虎簪盍偶成龍撫
卷神山遠銜杯瑞雪濃一壺勝太白彤影月游從

生日

老過懸弧旦天涯把一麾
誤蒙松嶽句忍誦蓼莪詩
節物梅經眼年華雪上眉
兒曹觴壽酒盡是祝歸期

觀畫像

似我豈真我相看還自疑
陋非臺閣像高失布韋時
吟苦眉常皺憂多鬢早衰
惓惓畝志無復畫師知

杜殿院挽詞

流落杜陵老平生一飯忠
大賢宜有後異代果生公文

艷神蒸燭霜蹄御史駢九原呼不起蕭瑟栢臺中

親擢逢明主臺綱振一時觸真同獬廌問不到狐狸姦
佞已落膽江湖甘把麾賢哉郭有道無媿蔡邕碑

我昔游三館聞公論立朝端如平日語果不小人饒公每

云某饒得君子不饒小人節義真齊固年齡不建喬英魂已天上楚

些詎容招

會同僣于郡齋煮惠山泉烹建溪茶酌瞿唐春

錫泉龍焙忽飛來春著瞿唐初潑醅腸似玉川堪七碗

興如太白謾三杯月團不許無詩得霜葉端因有分開

王撫幹以晚菊
一盆來頗佳

石銚瓦盆吾已具竹林它日定相陪

同僚和詩復用前韻

掃地焚香待客來煎泉淪茗澆官醅相公溪近何曾汲

漢東有相公溪以丁
謂得名水可煎茶

白帝城寒正可杯江上詩成風葉

落閨中興動雪梅開嘉賓飲散鈴齋靜月照窓虛有影

陪

蠓梅

天工著意點醅酥不與江梅鬪雪膚露滴蜂房釀崖蜜

日烘龍腦噴金爐萬松張蓋黃尤好三峽歲春綠不枯

東南鵬梅葉落始開峽中地煖花開而葉不落題品倘非坡與谷世人應作小

蟲呼

宋山甫知縣云大寧監多蠅梅土人不知貴呼為狗蠅花

子紹至雲安復和前韻見寄酬以二首

細閱皇朝進士科第三人最得賢多

滕達道陳了翁張才叔潘子賤諸公

是也然皆艱難勞苦而後有立

不勞則餓天將任或起而僵帝欲噉館

閣早推仁者勇廟堂終作國之藩也知有意東山卧其

奈蒼生望子何

梁臨別指瞿唐關
有懶出此門之語

不比求游占一科無施不可患才多手持江海一麾去
夢與神仙七字哦客裏有書情愈重別來多病鬢添皤
郡齋獨坐歲華莫眼見官梅深憶何

趙若拙卓爾不羣佳公子也痛親不見名堂曰
思諸公爭賦之不鄙予亦以詩命予謂若拙不
上乎思也且能顯之作思堂詩

天下人子皆思親思而顯之能幾人入堂省親親不見

長向羹牆見親面身苟不立名不揚九原何由發幽光
金枝挺挺賢公子風樹興悲思不已口誦孝經第一篇
立身行道期心傳直諒多聞古三益標準宗支名籍籍
前日召還胡不留一麾出守西南州官職人心所同欲
孝子思親恐親辱不獨思親能顯親孔門曾子君前身
我愧思親未能顯詩作思堂涕徒泣

題朱鈐幹灝無喧室

雅抱淵明尚處喧思避喧門雖有車馬趣不異丘園仁

者本來靜時然應亦言端能重吾幕無復擾為煩

糟螯薦杯

麴生有理何曾濁公子無腸却最佳羅饌寧同富兒飲
帶糟聊慰老饕懷

梅溪後集卷十三